



AGINDUA, 2022KO AZAROAREN 2KOA, BERDINTASUN, JUSTIZIA ETA GIZARTE POLITIKETAKO SAILBURUARENA, ZEINAREN BIDEZ ONARTZEN BAITA BERDINTASUN, JUSTIZIA ETA GIZARTE POLITIKETAKO SAILAREN EGITURA ORGANIKOA ETA FUNTZIONALA EZARTZEN DUEN DEKRETUA HIRUGARREN ALDIZ ALDATZEKO DEKRETUAREN PROIEKTUA

Xedapen Orokorrak Egiteko Prozeduraren ekainaren 30eko 6/2022 Legeak – aurrerantzean, 6/2022 Legea – zehazten du zein prozedura bete behar den xedapen orokorrak egiteko.

Aipatutako 6/2022 Legean ezarritakoarekin bat etorritik, 2022ko urriaren 18an, Berdintasun, Justizia eta Gizarte Politiketako sailburuak agindu bat eman zuen, zeinaren bidez hasiera eman baitzitzaion Berdintasun, Justizia eta Gizarte Politiketako Sailaren egiturari buruzko dekretua hirugarren aldiz aldatzeko dekretu-proiektua egiteko espedienteari.

Onartu nahi den arauaren bidez lortu nahi diren helburuetara ondoen egokitzen den araudia ezartze aldera, beharrezkotzat jo diren kontsultak, azterlanak eta txostenak egin dira.

Aurreko izapideak egin ondoren, eta emaitzak ikusita, Berdintasun, Justizia eta Gizarte Politiketako Sailaren egiturari buruzko Dekretua hirugarrenez aldatzeko dekretu-proiektuaren hasierako testua idatzi da.

Adierazitakoaren ondorioz, hau

#### EBAZTEN DUT:

Lehenengoa.- Berdintasun, Justizia eta Gizarte Politiketako Sailaren egiturari buruzko Dekretua hirugarren aldiz aldatzeko dekretu-proiektua aldeztu aurretik onartzea.

Bigarrena.- Aipatutako araua egiteko prozedurarekin jarrai dadila xedatzea, eta beharrezkoak diren instrukzio-egintzak egin daitezela agintzea, Prozedura Hasteko 2022ko urriaren 18ko Aginduan adierazitako premisekin bat etorritik.

Berdintasun, Justizia eta Gizarte Politiketako sailburua,  
BEATRIZ ARTOLAZABAL ALBENIZ.



XX/2022 DEKRETUA, XXXXXXXXXAREN XX(E)KOA, ZEINAREN BIDEZ HIRUGARRENEZ ALDATZEN BAITA BERDINTASUN, JUSTIZIA ETA GIZARTE POLITIKETAKO SAILAREN EGITURA ORGANIKOA ETA FUNTZIONALA EZARTZEN DUEN DEKRETUA.

Urtarrilaren 19ko 12/2021 Dekretuaren bidez, Berdintasun, Justizia eta Gizarte Politiketako Sailaren egitura organikoa eta funtzionala ezarri zen, eta bi aldaketa egin zaizkio: lehenengoa, 5/2022 Dekretuaren bidez (5/2022 Dekretua, urtarrilaren 11koa, zeinaren bidez onartzen baitira Aukerak-Gizareratzearen Euskal Agentziaren estatutuak eta atxikitzen baitira «Trabajo Penitenciario y Formación para el Empleo» zuzenbide publikoko estatu-erakundean zerbitzua ematen zuten langile transferituak); bigarrena, 40/2022 Dekretuaren bidez (40/2022 Dekretua, martxoaren 29koa, zeinaren bidez bigarrenez aldatzen baita Berdintasun, Justizia eta Gizarte Politiketako Sailaren egitura organikoa eta funtzionala ezartzen duen Dekretua).

Ondoren, 2022ko irailaren 27an, 18/2022 Dekretua argitaratu zen Euskal Herriko Agintaritzaren Aldizkarian: 18/2022 Dekretua, irailaren 23koa, lehendakariarena, Euskal Autonomia Erkidegoaren Administrazioari sailak sortu, ezabatu eta aldatzen dituen eta sail bakoitzaren egitekoak eta jardun-arloak finkatzen dituen Dekretua bigarrenez aldatzen duena. Dekretu horren arabera, Lehendakariaren eskumen-arloan sartu da ordura arte Berdintasun, Justizia eta Gizarte Politiketako Sailaren eskumen-arloaren barruan zegoen Gazteriaren jardun-arloa. Hori dela eta, aldatu egin behar da Berdintasun, Justizia eta Gizarte Politiketako Sailaren egitura organikoa eta funtzionala ezartzen duen urtarrilaren 19ko 12/2021 Dekretua, eskumen-banaketa berriaren arabera egokitzeke.

Horren ondorioz, Berdintasun, Justizia eta Gizarte Politiketako sailburuaren proposamenez, lehendakariak onartu ondoren eta Gobernu Kontseiluak 2021eko XXXaren XX(e)(a)n egindako bilkuran aztertu eta onartu ondoren, hau

## XEDATZEN DUT

Lehenengo artikulua. - Aldatzen da Berdintasun, Justizia eta Gizarte Politiketako Sailaren egitura organikoa eta funtzionala ezartzen duen urtarrilaren 19ko 12/2021 Dekretuaren 2. artikulua A) 1 apartatua, eta honela idatzita gelditzen da:

### A) Organo zentralak:

1.– Berdintasun, Justizia eta Gizarte Politiketako sailburua.

1.1.– Kabinete Zuzendaritza.

1.2.– Komunikazio Zuzendaritza.

1.3.– Zerbitzu Zuzendaritza.

Bigarren artikulua.- Aldatzen da Berdintasun, Justizia eta Gizarte Politiketako Sailaren egitura organikoa eta funtzionala ezartzen duen urtarilaren 19ko 12/2021 Dekretuaren 2. artikulua B apartatua, eta honela idatzita gelditzen da:

B) Organo hauek ere Berdintasun, Justizia eta Gizarte Politiketako Sailari atxikita edo lotuta daude, haien sortze-arauetan ezarritakoaren arabera:

- Gizarte Zerbitzuen Erakunde arteko Organoa, Gizarte Zerbitzuei buruzko abenduaren 5eko 12/2008 Legearen bidez sortua eta martxoaren 30eko 101/2010 Dekretuaren arabera arautua.

- Gizarte Zerbitzuen Euskal Kontseilua, Gizarte Zerbitzuen abenduaren 5eko 12/2008 Legearen bidez sortua, eta aurreko izenarekin, hots, Gizarte Ongizateko Euskal Kontseilu gisa, irailaren 16ko 159/2008 Dekretuak aldatutako ekainaren 13ko 124/2006 Dekretuaren arabera arautua. Eta, Gizarte Zerbitzuen Euskal Kontseiluaren barruan, Adinekoen Kontseilu Sektoriala.

- Gizarte Zerbitzuen Euskal Behatokia, urriaren 26ko 225/2011 Dekretu bidez sortua.

- Familia Bitartekaritzako Aholku Batzordea, Familia Bitartekaritzari buruzko otsailaren 8ko 1/2008 Legearen bidez sortua eta apirilaren 21eko 84/2009 Dekretuaren arabera arautua.

- Nazioarteko Adopzioarako Batzorde Teknikoa, abenduaren 27ko 277/2011 Dekretuaren arabera arautua.

- Boluntariotzaren Euskal Kontseilua, otsailaren 18ko 30/2003 Dekretuaren arabera arautua.

- Ijito Herriaren Erabateko Sustapenerako eta Partaidetza Sozialerako Kontseilua, azaroaren 25eko 289/2003 Dekretuaren arabera arautua.

- Haurrak eta Nerabeak Zaintzeko Batzorde Iraunkor Sektoriala, urriaren 2ko 165/2007 Dekretuaren arabera arautua.

- Haurren eta Nerabeen Behatokia, Haurrak eta Nerabeak Zaintzeko eta Babesteko otsailaren 18ko 3/2005 Legearen bidez sortua eta abenduaren 4ko 219/2007 Dekretuaren arabera arautua.

- Familien Euskal Behatokia, azaroaren 23ko 309/2010 Dekretuaren arabera arautua.

- Euskal Autonomia Erkidegoko Herriar Etorkinen Integrazio eta Partaidetza Sozialerako Foroa, 213/2004 Dekretuaren bidez aldatutako abuztuaren 30eko 200/2002 Dekretuaren arabera arautua.

- Familiaren Euskal Kontseilua, Familiei Laguntzeko abenduaren 12ko 13/2008 Legearen bidez sortua eta apirilaren 17ko 53/2012 Dekretuaren arabera arautua.

- Euskadiko Elkarrizketa Zibilerako Mahaia, Elkarrizketa Zibilerako Mahaia eratu eta arautzeko abenduaren 11ko 283/2012 Dekretuaren bidez sortua.
- Arreta Goiztiarreko Erakundearteko Kontseilua, Euskal Autonomia Erkidegoko Arreta Goiztiarreko esku-hartze integralari buruzko otsailaren 2ko 13/2016 Dekretuaren bidez sortua.
- Arreta Goiztiarreko Erakundearteko Batzorde Teknikoa, Euskal Autonomia Erkidegoko Arreta Goiztiarreko esku-hartze integralari buruzko otsailaren 2ko 13/2016 Dekretuaren bidez sortua.
- Eusko Jaurlaritzaren eta Idazkaritza Judizialaren arteko lankidetzako-arganoa, Eusko Jaurlaritzaren eta EAerako Idazkaritza Judizialaren arteko elkarlanerako arganoa sortzeko maiatzaren 27ko 123/1997 Dekretuaren bidez sortua.
- Doako Laguntza Juridikoaren Batzordeak, Doako Laguntza Juridikoko urriaren 30eko 153/2018 Dekretuaren bidez sortuak.
- Auzitegi Medikuntzako Euskal Institutua, Auzitegi Medikuntzako Euskal Erakundea sortzeko abenduaren 1eko 328/1998 Dekretuaren bidez sortua, eta Auzitegi Medikuntzako Euskal Erakundea arautzeko azaroaren 21eko 236/2012 Dekretuaren arabera arautua.
- Garapenerako Lankidetzaren Erakundearteko Batzordea, Garapenerako Lankidetzari buruzko otsailaren 22ko 1/2007 Legearen bidez sortua eta martxoaren 24ko 71/2009 Dekretuaren arabera arautua.
- Garapenerako Lankidetzarako Euskal Kontseilua, otsailaren 22ko 1/2007 Legearen bidez sortua eta irailaren 16ko 158/2008 Dekretuaren arabera arautua.
- Terrorismoaren Biktimen Partaidetzarako Euskal Kontseilua, Terrorismoaren Biktimen Partaidetzarako Euskal Kontseiluaren maiatzaren 17ko 75/2016 Dekretuaren arabera arautua.
- Bake eta Bizikidetzaren Planaren Aholku Batzordea, uztailaren 29ko 157/2014 Dekretuaren arabera arautua.

Hirugarren artikulua.- Kendu egiten da Berdintasun, Justizia eta Gizarte Politiketako Sailaren egitura organikoa eta funtzionala ezartzen duen urtarrilaren 19ko 12/2021 Dekretuaren 10. artikulua.

#### AZKEN XEDAPENA

Dekretu hau Euskal Herriko Agintaritzaren Aldizkarian argitaratu eta hurrengo egunean jarriko da indarrean.

Vitoria-Gasteizen, 2021eko XXXaren XX(e)(a)n.

Lehendakaria,  
IÑIGO URKULLU RENTERIA

Berdintasun, Justizia eta Gizarte Politiketako sailburua,  
BEATRIZ ARTOLAZABAL ALBENIZ.